

Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allannngortinneqarnissaa pillugu

Inatsisartut inatsisaat

*Inuussutissarsiornermut, Niuernermet, Aatsitassanut, Inatsisit Atuutsinneqarnerannut
Naligiisitaanermullu Naalakkersuisumit saqqummiuneqartoq*

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini (kingullermik) ukuninnga inuttaqarpoq:

Inatsisartunut ilaasortaq Karl Tobiassen, Siumut, Siulittaasoq

Inatsisartunut ilaasortaq Aqqalu Jerimiassen, Atassut, Siulittaasup tullia

Inatsisartunut ilaasortaq Lars Poulsen, Siumut

Inatsisartunut ilaasortaq Kuno Fencker, Siumut

Inatsisartunut ilaasortaq Adam Kristensen, Inuit Ataqtigiit, Ataatsimiititaliamut ilaasortanut sinniisoq

Inatsisartunut ilaasortaq Mikivsuk Thomassen, Inuit Ataqtigiit

Inatsisartunut ilaasortaq Knud Mathiassen, Naleraq

UPA 2024-imi ulloq 9. April siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Siunnersuut Najukkani aatsitassanut tunngasunik suliaqarnerit pillugit Inatsisartut inatsisaat UPA2024/25-mut Inuussutissarsiornermut Aatsitassanullu ataatsimiititaliamut suliassannngortinneqartumut attuumassuteqarpoq. Aatsitassanut inatsimmi aalajangersakkat atorunnaarsinneqarnissaat siunnersuummi matumani siunertarineqarpoq, siuliani taaneqartup oqaluuserisap UPA2024/25-ip akuersissutigineqarnerata kingunerisaanik, ilaatigut isertitassatut 100.000 kr.-iunissaanik killigitinneqartut atorunnaarsinneqassalluni. Najukkani aatsitassanut tunngasunik suliaqarnerit pillugit Inatsisartut inatsisissaattut siunnersuutip

akuersissutigineqarneranit marloqiusamik maleruagassiorortoqannginnissaa taamaalilluni qulakkeerneqassaaq.

Tamatuma saniatigut siunnersuut piffissami ikaarsaarfiusumi najukkani aatsitassanut tunngasunik suliaqarnerit ataasiakkaat aatsitassanut ikummatissanullu inatsimmi suli maleruagassiivigineqartussaammata aalajangersakkanik arlalinnik allannguisoqartussaavoq.

Siunnersuutip Inatsisartunit siullermeerneqarnera

Siunnersuut taamatut iluseqartillugu partiinit tamanit taperserneqarpoq Inussutissarsiornermut Aatsitassanullu Ataatsimiititaliamut suliaassanngortillugu.

Tusarniaanermut akissutit

Tusarniaanermut akissutit siunnersuummut ilanngunneqarput, tamannalu Inatsisartut Siulittaasoqarfianit iluserititassatut piumasaqaataanut naapertuuppoq.

Siunnersuut piffissami 2023-mi 17. novemberimiit 12. november 2023-mut tusarniaassutigineqarpoq tusarniaanermullu kikkut akissuteqarsimanersut tusarniaaneq pillugu allakkiami takuneqarsinnaapput. Siunnersuummut nalinginnaasumik oqaaseqatini tusarniaanermut akissutit pillugit Naalakkersuisunit allakkiaq suliarineqarpoq, ilaatigut takuneqarsinnaalluni, inatsisissatut siunnersuut matumani pineqartoq siunnersuut Inatsisartut inatsisissaatut siunnersuut (UPA2024/25) Najukkani aatsitassanut tunngasunik suliaqarnerit pillugit Inatsisartut inatsisaattut siunnersuut peqatigitillugu tusarniaassutigineqarsimasoq.

Ataatsimiititaliap siunnersuummik suliarinninnera

Siunnersuummut matumunnga ataatsimiititaliaq oqaaseqaatissaqanngilaq. Najukkani aatsitassanut tunngasunik suliaqarnerit pillugit Inatsisartut inatsisaat (UPA2024/25) akuersissutigineqartoq taassumunnga Isumaliutissiissut ataatsimiititaliap innersuussutigaa akuersissutigineqarnerata kingunerisaanik inatsit una inatsisiliarineqarneranut tunngaviummat.

Siunnersuutip aningaasatigut kingunerisassai

Siunnersuutip piviusunngortinneqarnissaanut aningaasatigut allaffissornikkullu kingunerisassat siunnersuutip nalinginnaasumik nassuiaatini allaaserineqarput. Matumani Naalakkersuisut kingunerisassat taakkua pillugit nalunaarusiaat Inuussutissarsiornermut Aatsitassaqaarnermullu ataatsimiititaliamit tusaatissatut tiguneqarput allamillu oqaaseqaatissaqarani.

Ataatsimiititaliap inassuteqaataa

Tamanna tunngavigalugu siunnersuut **akueringeqassasoq** **ataatsimiititaliami amerlanerussuteqartut** Inuit Ataqtigiiinneersut Siumumeersullu inassutigaaat.

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassanngortippaa.

Karl Tobiassen
Siulittaasoq

Aqqalu Jerimiassen
Siulittaasup tullia

Adam Kristensen

Mikivuk Thomassen

Lars Poulsen

Kuno Fencker

Knud Mathiassen